



Broj: 0101-3874/25

Sarajevo, 14. 07. 2025. godine

Na osnovu člana 31. stav (3) i stav (4), člana 69. Zakona o visokom obrazovanju ("Službene novine Kantona Sarajevo" broj: 36/22) i člana 111. Statuta Univerziteta u Sarajevu (broj: 01-14-35-1/23 od 26. 07. 2023. godine), te Konkursa za upis studenata u prvu godinu studija na Univerzitetu u Sarajevu u akademskoj 2025/2026. godini, a u skladu sa Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu ("Službene novine Kantona Sarajevo" broj: 19/09, 31/12, 36/12, 4/15, 15/15, 16/18, 21/18 i 25/21), Vijeće Fakulteta na 19. (devetnaestoj) elektronskoj sjednici održanoj dana 14. 07. 2025. godine donosi prijedlog

ODLUKE

o utvrđivanju visine participacije cijena usluga upisnine i školarine za studente Univerziteta u Sarajevu-Farmaceutskog fakulteta koji prvi put upisuju prvu godinu studija

I

Utvrđuje se visina participacije cijena usluga upisnine i školarine za studente Univerziteta u Sarajevu-Farmaceutskog fakulteta koji prvi put upisuju prvu godinu studija, kako slijedi:

- za redovne studente (studenti koji se finansiraju iz budžeta Kantona Sarajevo) cijena usluga upisnine iznosi 100,00 KM
- za redovne samofinansirajuće studente (državljeni Bosne i Hercegovine i kandidati sa prostora bivše SFRJ) cijena usluga školarine iznosi 3.000,00KM
- za redovne samofinansirajuće studente (strani državljani) cijena usluga školarine iznosi 3.600,00KM

II

Studenti iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja, kao i djece bez oba roditelja, a koji imaju prijavljeno prebivalište u Kantonu Sarajevo, oslobođeni su plaćanja troškova školarine, za studijske programe koji se finansiraju iz Budžeta Kantona Sarajevo.

Lice sa utvrđenim stoprocentnim invaliditetom ima pravo upisati se u statusu studenta oslobođenog od plaćanja školarine, bez mogućnosti da ovaj status izgubi, pod uslovom da je:

- a) položilo prijemni ispit;
- b) sposobno obavljati praktične zadatke u nastavi
- c) steklo pravo upisa na odgovarajući ciklus studija i



d) dostavilo dokaz nadležne institucije o statusu lica sa invaliditetom i procentu invaliditeta.

III

Kandidati koji pripadaju posebnim kategorijama iz Kantona Sarajevo, pored dokaza o pripadnosti posebnoj kategoriji dužni su prilikom upisa dostaviti dokaz o prijavljenom prebivalištu u Kantonu Sarajevo, CIPS potvrda.

IV

Odluka stupa na snagu danom donošenja.

Obrazloženje

Vijeće Fakulteta je na 19. (devetnaestoj) elektronskoj sjednici održanoj dana 14. 07. 2025. godine razmatralo prijedlog odluke kojim se utvrđuje visina participacije cijena usluga upisnine i školarine za studente Univerziteta u Sarajevu-Farmaceutskog fakulteta koji prvi put upisuju prvu godinu studija, a u skladu sa članom 31. stav (3) i (4) Zakona o visokom obrazovanju Kantona Sarajevo ("Službene novine Kantona Sarajevo" broj: 36/22).

Članom 69. stav 1., tačka a.) Zakona o visokom obrazovanju Kantona Sarajevo ("Službene novine Kantona Sarajevo" broj: 36/22) propisana je nadležnost Vijeća da donosi odluke o svim akademskim, nastavnim, naučnim, umjetničkim i stručnim pitanjima u okviru svoje nadležnosti. U skladu sa navedenim, odlučeno je kao u dispozitivu.

Akt obradila: Belma Tirović, MA, iur.

Akt kontrolisao: Nevzet Kermo, dipl.iur.

S aktom saglasni:

Prodekan za nastavu i studentska pitanja: prof. dr. Mirza Dedić

Prodekanica za finansije: prof. dr. Elma Veljović

Sekretar Univerziteta u Sarajevu - Farmaceutskog fakulteta potvrđuje da je prijedlog Odluke u skladu sa zakonskim i podzakonskim propisima na snazi, te da je Vijeće Univerziteta u Sarajevu - Farmaceutskog fakulteta nadležno za donošenje iste shodno članu 69. Zakona o visokom obrazovanju ("Službene novine Kantona Sarajevo", broj: 36/22)

DEKAN

Prof. dr. Fahir Bečić

Dostaviti:

- Službi za nastavu i studentska pitanja
- Službi za računovodstvo i finansije
- Web stranica Univerziteta u Sarajevu-Farmaceutskog fakulteta
- Evidencija Vijeća Fakulteta
- Arhiva Fakulteta